

事不允○政院以成均館儒生所製箴入啓賜筆墨有差○日暈○夜

異方艮方有氣如火○戊申

御朝講大司憲許洽大司諫南世健啓

前事

命適朴世勲餘不允領事金謹思曰前日所啓不公事自上

以爲開端而不顯言之臣意以爲開端則臺諫必察而論啓也故不爲
盡言耳大抵已卯年以來十有五年朝廷安矣近來更爲異論是非紛
亂干涉大罪之人亦欲紛紛輕議自上堅定以辨是非至爲多幸已
卯年之輩其後涉於叛亂其情可知自上須爲堅定不使邪議干其
間可也前日具壽聃李浚慶所啓至爲駭愕侍從違懷則可矣挾私論
啓不當其後夜對亦如此啓之至爲非矣上曰干涉逆亂之人自

上察其無罪而宥之可也下人果不可言也許洽曰近來權奸以其罪
罪之而不服李芭遣金洞恐動國勇以搖朝廷至爲駭愕自上鎮定

日日加慎使無如此動搖之事可也南世健曰近來弘文館見旱災

相議以爲安處謙件記付人疑有曖昧而蒙罪者但干涉大逆議之而
不能啓具壽聃李浚慶等當議於司中而論啓也以卑官輕率進啓似
有後弊是以臺諫論啓而罷職矣上曰近來權奸得罪上下恐有如此
之事果有李芭之事宜上下同心鎮定可也侍講官安瑛曰具壽聃